

海城縣誌（民國）一

ISBN 988-978-316-9



二〇〇六年三月

中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室


電話：〇〇八五二一六五五九二三七〇

傳真：〇〇八五二一三三八七九〇〇

定價：人民幣 九五〇〇元（全書共三百一冊）

海城縣志

樂駿聲題



海城縣志序

遼東自秦漢即置治代有沿革千數百年來地方之文化蔚然可昭於史乘者當不少讓於內地特以其民風質樸人文敦實而不好文飾以自見故以金元之鼎盛清之崛起而詳考其肇基之迹開劫之功一時佐命元勛勤王良佐與夫顯庸制度聲華大者尙漸焉沒滅不能道其二三況一鄉一邑之遺迹其無鋪張訖揚以顯於世抑豈少哉前雖有遼東志盛京通志等書而遼東志詳於地理而略於故實盛京志雖亦詳於故實而於各縣之文獻則不無忽略近歲各縣多修縣志夫國無史則國等於亡史無文則史亦等於亡晉之乘楚之櫛魯之春秋皆史也而乘與櫛不能與春秋並傳豈非文與不文之故乎孔子曰言而不文其行不遠諒哉文之不可闕也如是夫今海城縣延知事輯卿督修海城縣志書已成乃託王政務廳長明宇以乞序於余雖志書體例與古乘容有異同而其網羅散失要足爲一

方掌故之考使更有奇魁龐鴻沐日浴月之士挺出而繼續搜輯俾古今文獻備有足徵勿任凋耗則此志之有關於地方與擷埴索塗一無憑藉者不亦大有功也哉十有三年甲子

三月金縣王永江序

海城縣志序

縣之必須有志猶國之必須有史也蓋以志書關於政治者甚大無志則無以知山川疆域之要塞歷代制置之沿革與夫人民戶口之盛衰而欲政治修明百業展進曷可得哉夷考禹貢九篇辨方經野賦土分疆垂後世志乘嚆矢漢唐之際輿書記載漸趨典重蕭何入關先收秦代圖書吉甫登朝首序郡縣志籍自晉以達有清體制益崇觀星躔營地理舉一方人文風物禮樂制度綜識而經緯之上輔史冊所不及下繫里閭之謠思佐政輔治厥功尙焉海邑爲古從州重鎮河嶽鍾靈人材代起豐功偉烈炳若日星而謨猷行散見於殘碑斷碣與流露於父老齒頰間者尤不可勝數邑宰廷君曾萃前聞蒐討故實雪纂露鈔裒然成此巨著豈直侈文典備掌故已哉亦俾爲治者知所考鏡而措施焉夫烹飪起於熟石玉格基於椎輪他日刷新百度發展無疆則是志也持其權輿擴而充之必有蒸蒸日上者

若夫體例之精嚴文詞之典贍尤餘事耳流覽既竟爰泚筆而爲之序

中華民國十三年四月北鎮王銳寰序

海城縣志序

志乘一書曠矢於尙書序九州志所謂土地所生風氣所宜皆聚於此書者也後世闡發斯旨廣地理人物政治人事物產藝文諸門編纂成帙在一國曰一統志在一省曰通志在一郡一邑曰府志曰縣志近覽內地諸行省除各有通志外所轄之新舊縣治志乘一書其尙付諸闕如者蓋已不數數觀矣誠以是書功用良鉅大之關於國土政治小之關於風俗民情建新效良承流啓化胥藉茲以爲考鏡焉固非徒備具典文修語掌故已也海城初無縣志清光緒丙午邑宰武進管洛奎太守召鄉人士各輯所聞編鄉土志事未歲而去職繼任者爲宣興陳漱六大令復督邑紳續成之至宣統元年會稽金大令衍海來權邑篆乃以付梓顏曰海城縣志然原書僅訂一冊篇幅無多記載從略民國紀元之十有二年春經京兆廷輯縣知事監理重修於地理物產則間採舊志而擴充之政治人事則擷取廣義而增修

之人物藝文本舊志所無者則列入新編而完成之仿照志書體例共分地理人物政治人事物產藝文爲六門各以其類屬之都四十六篇凡十三閱月至十三年一月而告成馳牒運道道尹公廨同序於予予籍撫順距海城約百里有奇交通便捷地方風氣亦因之周通無滯且予攝遼瀋道尹篆屬境分巡耳目所及較爲詳確乃不能已於一言繫維國體變更開五千年來未有之奇局其間政治之刷新人物之奇穎州縣之併析人事之繁頤物產之消長文字之變遷日新月異所屆止不有記載奚以知天下之大勢風會之所趨耶不甯惟是共和國重自治志乘者尤爲自治之權輿施行之根據也今試問謀自治者一邑間某山某河某城鎮某鐵道某關津某形勝某要衝試再問一邑間某也賢某也良某也爲古之遺愛者某也爲今之政治家試再問行政司法之分權警察保甲之設立教育財政之良窳新舊比較之若何試再問人類交涉之繁簡宗教勢力之興衰風俗人心之澆厚古今

趨向之若何試再問天然之物產人工之實業與夫文風之醇駁士氣之頽揚則皆瞠目罔知所對自治云乎哉故欲謀自治者不能不注重茲編海禁既開對外交涉繁複海城爲遼瀋形勝適當南北要衝鐵道交通尤稱便利舟車輻輳商旅雲集地方殷富保母爲他人覬覦若昧於方輿沿革固識形勢之優渥實不足以固吾圉而衛吾民此尤以志乘爲關係之大者故欲謀對外者不能不注重茲編海邑既爲繁要之區又亟亟謀自治之發展者邑乘告成裨助自非淺鮮統觀全志分門別類載紀纂詳實爲近今刻刻勿容緩繫領樞之鉅製讀時士夫維新良碩高瞻遠矚勿訝卮言

中華民國十三年 六 月 中 潛 撫 順 佟 兆 元 序



海城縣志序

志乘之書從來尙矣考周官外史掌四方之志註謂列國之紀載實即後世志乘之權輿漢太史公作史記並爲八書東漢班孟堅因爲十志自唐以來其類益廣省有通志郡有府志下至州縣亦莫不有志雖繁簡詳略各有不同要之不離乎紀載故實者近是惟縣志體例宜較他志爲詳舉凡建置之沿革疆域之形勢山川之阨塞道路之交通以及政治之得失俗尙之美惡人文物產纖細靡遺分之則爲一鄉一邑之書合之則皆邦國之圖志實爲一切志乘之基礎所以補國史通志府志之不足關係不綦重哉海邑古處邊徼爲歷代用兵之地侈尙武功文教未備載籍闕略有由然矣前清崛起文北漸啓及順治間改設縣治施行民政生聚教訓二百餘年地方漸趨富庶文學亦蔚然可觀然俗尙樸實士習帖括紀載之筆終付闕如蓋縣志之失修也久矣論古者引以爲憾焉光緒末葉武進管公鳳龢宰是

邑時始奉部令編纂鄉土志屬稿未定而管公以膺薦去職繼任宜興陳大令藝復督邑紳
續成之嗣江右高公喧陽上其稿於民政使翌歲會稽金明府衍海始以付梓歷經四任閱
時三年書始告成然以限於部定例目紀載諸多闕略間有魯魚亥豕之訛讀者病之民國
紀元三年余奉檄攝邑篆下車後採訪文獻見舊志叢殘慨然有纂修之意第以催科撫字
案牘勞形綆短汲深曷敢侈言著述是以蹉跎十年卒未果行民國十一年冬適省會有重
修通志之舉縣志之修不容稍緩因商之邑紳孫君禹箴籌備處所延聘耆宿張君朗階宋
君椿青陳君林格戚君星巖分任編纂而以孫君董其成閱十三月始克竣事並邀邑紳欒
君佩石李君省三共同校正復蒙列憲鑒定加序余因之有感矣夫人民愛戴仲卿猶戀桐
鄉風土宜人永叔仍居潁上余承乏斯邑十載於茲視海邑之風土無異故鄉海邑之人民
無異父老昆弟茲是編既與觀成豈惟海邑之光即余亦與有榮施焉雖然有難焉者名都

大邑猶恨紀載之軼況海城僻處一隅迭經兵燹舊聞荒落文獻無徵斯編雖遐蒐博採聖
漏之譏知仍不免後之君子起而繼之考其未詳補其未備俾巖疆鉅邑不致終守此椎輪
是則余之所厚望也夫是爲序

中華民國十有三年七月海城縣知事京兆廷瑞謹識

海城縣志

卷一序

六

